























MUSEUM  
CARLSONIANUM.







# MUSEUM CARLSONIANUM,

In quo

*Novas et Selectas Aves,*

*Coloribus ad vivum brevique descriptione illustratas,*

*Suasu et sumtibus Generosissimi Possessoris,*

Exhibet

ANDREAS SPARRMAN,

M. D. et Profess. Reg. Acad. Scient. Stockholmens. Musei Praefect. Ejusd. Acad. ut et  
Societ. Physiograph. Lund. Scient. ac Litt. Gothoburg. Hess. Homburg. Membr.



FASCICULUS III.



HOLMIÆ,

Ex Typographia Regia, MDCCLXXXVIII.







## Elenchus Avium Fasciculi III.

- |   |                                    |
|---|------------------------------------|
| N:o LI. <i>STRIX arctica.</i>               | LXIV. <i>PHASIANUS cristatus.</i>  |
| LII. <i>PSITTACUS albifrons.</i>            | LXV. <i>TETRAO Tetrax</i> , Mas,   |
| LIII. <i>CORVUS pica</i> , <i>varietas.</i> | <i>varietas.</i>                   |
| LIV. <i>GRACULA glauca.</i>                 | LXVI. — — — <i>Femina, variet.</i> |
| LV. <i>CUCULUS hepaticus.</i>               | LXVII. <i>COLUMBA bantamensis,</i> |
| LVI. <i>CERTHIA ignobilis.</i>              | LXVIII. <i>TURDUS minutus.</i>     |
| LVII. — — — <i>Bartholemica,</i>            | LXIX. — — — <i>australis.</i>      |
| LVIII. — — — <i>scarlatina.</i>             | LXX. <i>AMPELIS luteus.</i>        |
| LIX. — — — <i>polita.</i>                   | LXXI. <i>LOXIA hypoxantha.</i>     |
| LX. <i>ANAS alandica.</i>                   | LXXII. — — — <i>prafina</i> , Mas. |
| LXI. <i>PELECANUS capensis.</i>             | LXXIII. — — — <i>Femina,</i>       |
| LXII. <i>STERNA caspica.</i>                | LXXIV. <i>MUSCICAPA alba.</i>      |
| LXIII. — — — <i>nubilosa.</i>               | LXXV. — — — <i>Javanica.</i>       |
-









*Strix arctica.*







N:o LI.

*STRIX Arctica* : capite inaurito, corpore  
ferrugineo, supra nigro-maculato, subtus lineolis  
fuscis striato; orbitis, rostro fasciaque subalari  
nigris.

*Rostrum* nigrum.

*Vultus* albus.

*Ambitus oculorum* niger.

*Pileus* et *Cervix* niger, plumis margine fulvo ferrugineis.

*Tectrices supra-alares*, *Remiges*, *Interscapulum*, *Dorsum*,  
*Criſsumque* nigricantia maculis ferrugineis.

*Alae* subtus albae, versus apicem nigrae macula alba  
infra maculam nigram; in medio fascia nigra.

*Pectus* ferrugineum, nigro-maculatum.

*Abdomen* album striis longitudinalibus nigris.

*Pedes* albi, *Unguibus* nigris.

*Cauda* nigro ferrugineoque fasciata.

OBS. Habitat in Sveciae provinciis septentrionalibus. D. Dr.  
LINDROTH.

E Museo suo ornatissimo Söderforsienſi communicavit Vir Scientiae  
ornithologicae faventissimus Dom. GRILL.



DSI





*Psittacus albifrons*







N:o LII.

*PSITTACUS albifrons*: *viridis* *rostro*  
*flavo*, *fronte alba*, *vertice et remigibus caeruleis*,  
*oculorum regionibus alulaque rubris*, *pedibus*  
*cinereis*.

*Rostrum flavum*, *apice albicans*.

*Frons alba*.

*Vertex violaceo - coerulea*.

*Capistralis linea*, *Oculorum regiones*, *Genae*, *Alula*, *Macula-*  
*que Poplitea cinnabarino-rubrae*.

*Gula*, *Jugulum sericea violaceoque viridescencia*.

*Colli*, *Dorsi*, *Pectorisque plumae virides*, *apicibus trun-*  
*cato - rotundatis nigris*.

*Rectrices supra et infra alares virides*.

*Remiges Primariae coeruleae*.

—— *Secundariae anteriores coeruleescentes*, *interiores*  
*virides*.

*Abdomen et Crissum dilute-virescentia*.

*Femora laete viridia*.

*Pedes cinerei*, *Unguibus nigris*.

*Cauda pallide viridis*, *Rectricibus basi fanguineis*.









*Corvus pica varietas*







N:o LIII.

*CORVUS Pica*, varietas: corpore fuliginoso alboque vario, oculis rubicundis, rostro pedibusque nigris.

*Rostrum* nigrum, membrana cinereo - pallida obductum.

*Pennæ Narium* setaceæ, recumbentes, fusco-ferrugineæ.

*Oculi* rubicundi.

*Caput*, *Collum*, *Interscapulum*, *Femora* *Caudaque* subtus fuliginoso-alba.

*Pectus*, *Abdomen*, *Criſsum* albicantia.

*Pedes* nigri.

*Cauda* *ſupra Alæque* fordide albicantia.

OBS. I. Profeſſor Hiſt. Nat. Aboënf. celeberrimus Dn. Dr. HELLENIIUS, qui hanc benevole communicavit varietatem, æque monuit, plures hujus coloris Picas in ſocietate Corvi Picæ communis ejusdemque ſtatura, volatu, ſaltu, voce moribusque ad Parœciam Padasjocki Tavafſlandiæ autumnò anni 1781. (tempore hiſ avibus ad incolarum habitacula viſitanda ordinario) appuliſſe & hinc etiam ab ipſis Ruſticolis pro C. Picæ varietate cognitæ, mali tamen ominis ſuſpectas fuiſſe. Merito quoque obſervavit celeberrimus Vir, hanc noſtram, oculis ſuis rubicundis corporeque longe fœtidiorè, pluſoſitate autem rariore morboſum prodere ſtatum, unde forſan coloris varietas derivanda.

OBS. II. Picam candidam Briffonii (Tom. 2. pag. 39. - 40.) etjam in Muſ. Carlfon. ſervatam, ab hac varietate magno-pere differe, a ſupra dictis ſatis liquet.









*Gracula glauca*





N:o LIV.

*GRACULA glauca*: cinereo-livida, alis caudaque cœrulescentibus: macula humerali albicanti.

*Rostrum* breviusculum, nigrum, subtus albicans.

*Caput, Collum, Pectus, Abdomen, Crissum, Femora*, virefcenti albido cinereoque varia.

*Interscapulum, Dorsum, Crissum* cinereo-virefcentia.

*Tectrices supra-Alares anteriores* ad alæ flexuram ex albis et aliquot cœrulescentibus plumis mixtæ.

—— *Supra-Alares reliquæ* cœruleæ.

—— *Sub-Alares* albicantes.

*Remiges Primariæ* viridi-cœrulescentes.

—— *Secundariæ* fere in totum fuscæ.

*Pedes* nigricantes.

*Cauda complicata* cœrulescens.







*Cuculus hepaticus.*





N:o LV.

*CUCULUS hepaticus*: supra brunneo nigroque undulatus, uropygio ferrugineo, rostro, alarum apicibus, caudaque fasciis nigris; subtus albicans nigro-undulatus, pedibus flavis.

*Rostrum* nigrum.

*Pileus*, *Cervix*, *Tectrices supra-Alares*, *Dorsum* ferruginea fasciis 3. f. 4. nigris undulata.

*Remiges* nigræ, supra ferrugineo subtus albo maculatæ, apicibus immaculatis nigris.

*Gula*, *Jugulum*, *Pectus*, læte ferruginea, fasciis nigris undulata.

*Abdomen* album, nigro maculatum.

*Crissum* album fasciis nigris.

*Uropygium* saturate ferrugineum, caudam ad medium usque tegens.

*Pedes* flavi.

*Rectrices* fusco-ferrugineæ nigro-fasciatæ, apicibus nigris: macula prava alba terminali.







*Certhia ignobilis.*





N:o LVI.

*CERTHIA ignobilis*: supra fuliginoso-nigra, subtus cinerea; lineolis ellipticis albidis.

*Rostrum* flavicans, dorso nigrum.

*Pileus*, *Cervix*, *Interscapulium*, *Dorsum*, *Uropygium*, fuliginoso - nigra.

*Alæ* fuscae *Rachidibus* nigris.

*Gula*, *Jugulum*, *Pectus*, *Abdomen*, cinerea maculis albis ellipticis longitudinalibus notata.

*Pedes* nigri.

*Cauda* nigra.







*Certhia Bartholemica*





N:o LVII.

*CERTHIA bartholemica* : *supra plumbeo-fusca, subtus flava; superciliis flavescenti-viridibus, uropygio subvirescenti, crisso albido, rostro, pedibus, alis caudaque fuscis.*

*Rostrum* sub-arcuatum, nigrum, breve.

*Capillitium, Latera Capitis, Cervix, Interscapulum ac Dorsum* nigricanti fusca.

*Superciliaris macula* virescenti-flavicans utrinque fere ad occiput extensa.

*Gula* fusco-flavicans.

*Jugulum, Pectus, Abdomen, Femora* lutea.

*Tectrices Supra-Alares* nigricantes.

———— *Inferiores caudae* albido-flavescentes.

*Remiges* fuscae, subtus basi albicantes.

*Cauda* nigra, *Rectricibus* decem nigris, duabus f. 3:bus utrinque apice macula albida notatis.

Ex Inf. St. Bartholomé communicavit D:nus FAHLBERG.







*Certhia scarlatina*





N:o LVIII.

*CERTHIA scarlatina*: viridi-nitens,  
pectore sanguineo fascia chalybea, macula hume-  
ri flava, uropygio violaceo.

Corpus magnitudine Motacillae flavae.

Rostrum arcuatum, basi subtrigonum capite duplo  
longius.

Remigēs Primariae X. Prima brevissima, 2 & 3 sen-  
sim longiores, 4 omnium longissima, reliquae  
sensim breviores.

————— Secundariae VIII.

Cauda sub-truncata; Rectrices XII, exterioribus duo-  
bus reliquis parum brevioribus.

Pedes longitudine fere caudae.

Color: Caput, Collum, Humeri, Interscapulium, Dor-  
sum & Tectrices alarum anteriores viridi-aurea.

Pectus sanguineum fascia chalybea a collo se-  
paratum. Gula, Tectrices alarum posteriores, Remi-  
ges, Rectrices, Pedes & Rostrum nigra. Abdomen  
& Crissum cinereo-fusca. Uropygium violaceum.

Habitat in Capite Bonae spei. HORNSTEDT.

OBS. Similis Certhiae Chalybaeae, differt tamen 1:o Uropygio  
violaceo 2:o Rectribus totis atris.

Forfan varietas sexus?







*Certhia polita*



N:o LIX.

*CERTHIA polita* : *nigricans*, *pectore*,  
*capite corporeque supra virescenti parumque pur-*  
*pureo metallina*, *macula sub-axillari flava*.

*Rostrum* *nigrum*, *ratione corporis validum*, & *fatis*  
*arcuatum*.

*Vertex* & *Humeri* *aeneo - purpurascens* & *politi*.

*Sinciput*, *Occiput*, *Colli Dorsum*, *Latera Colli ac Capitis*,  
*Interscapulum*, *Humeri* & *Uropygium* *aeneo - vire-*  
*scientia ac polita*.

*Juguli Pars Superior* & *Gula* *nigra*.

—— ——— *Inferior violaceo - purpurascens*, *postice*  
*Taenia* *saturate purpurea* a *pectoris regione* *se-*  
*paratur*, ac *utrinque prope Alae flexuram plu-*  
*mula flava interdum notatur*.

*Pectoris Posterior Pars*, *Abdomen*, *Criſsum Alaeque* *sub-*  
*tus fusco - nigricant*.

*Tectrices supra alares anteriores minores* *aeneo purpura-*  
*scens*.

—— ——— ——— *posteriores inferiores ac Remiges* *sub*  
*ferrugineo - nigrae*.

*Pedes* *nigri*.

*Cauda* *nigra*, *Rectricibus* *exterioribus* *marginē exte-ri-*  
*ore & apicibus ferrugineis*.







*Anas Mlandica*.





N:o LX.

*ANAS alandica*: *subtus sordide alba, supra nigro, ferrugineo alboque varia, scapularibus plumis nigris margine ac lineis disci albo-ferrugineis, antice in angulum coalescentibus variegata, rostro pedibusque nigris.*

*Rostrum* nigrum.

*Capillitium* ferrugineum, nigro-maculatum.

*Capitis latera, Cervix, Gula, Jugulum*, cinerea, punctis fuscis adspersa.

*Juguli pars inferior* ferrugineo nigroque maculata.

*Pectus et Abdomen* sordide alba.

*Interscapulii, Scapularum* ac aliquot *Hypochondriorum Plumae* nigrae, *margine* sub-ferrugineae *in disco* tæniis duabus ferrugineo - albis *versus apicem* in angulum concurrentibus notantur.

*Tectrices supra et sub-alares* fuliginoso-fuscae marginibus albicantibus.

*Remigum primariarum prima* sordide alba, *apice* fusca;  
*Reliquae latere exteriori et apice* fulco - nigricantes  
1. *interiore* fusco - albidæ.

*Uropygium* ferrugineum ac albidum, nigro-maculatum.

*Crissum* elongatum, album.

*Pedes* nigri.

*Cauda* ferruginea, nigro-subfasciata.

OBS. Svecis Sjö - And. Habitat in Alandia, versus Aboam.

D:r LINDROTH.





*Pelecanus capensis*





N:o LXI.

*PELECANUS capensis*: rostro edentulo,  
corpore ex nigro-viridescente nigroque coerulescente  
varie fusco, gula lutea, cauda cuneata.

*Rostrum* cinereum, edentulum.

*Gularis saccus* intense luteus.

*Caput et Collum* nigro fusca.

*Pectus* cinereo nigroque fuscum.

*Abdomen, Femora, Crissum, Dorsum* postice ac *Uropygium*  
ex sericeo coerulescenti nigra.

*Plumae Interscapuli et Tectrices alares* sericeo-viridescen-  
tes marginibus nigris.

*Remiges* virescenti-fuliginosae, *Rachidibus* atris.

*Pedes* tetradactyli nigri *Ungue* digiti secundi nigro.

*Cauda* cuneata, nigra, *Rectricibus* duodecim.

Obs. Habitat in Sinu Falso ad Promontor. Bonae Spei; Gula  
lutea a P. GRACULO auctorum praecipue differt.







*Sterna caspia*



N:o LXII.

*STERNA caspica*: cauda brevior, forficata, corpore subtus colloque albis, dorso alisque plumbeo-cinereis, rostro coccineo, capillitio ac pedibus nigris, remigibus apice nigricantibus.

Confer. *Acta Nov. Petropol.* Tom. XIV. p. 582. ubi figur. sed non colorata occurrit

*Acta Reg. Scient. Holmiens.* A:o 1782. p. 228. ubi descript. et histor. optime dedit acutiss. Nat. investigator celeberrimus et reverend. ÖDMAN.

*Rostrum* coccineum.

*Capillitium* atrum nigredine palpebras occupat et acute in cervicem extenditur.

*Anguli oris regio, Collum, Gula, Jugulum, Pectus, Abdomen* alba.

*Criussum, Femora, Caudaque sub-forficata, Tectrices sub-alares* candide sericeo-nitentia.

*Interscapulium, Dorsum, Tectrices supra-alares* plumbeo cinerea.

*Alarum apices* elongatae, nigricantes, invicem decussantes. *Remiges Primariae* superius in latere anteriore argenteo canescentes.

*Pedes* nigri.

Obs. Svecis Skränmåse. In Marittimis Sudermanniae frequens. Hujus speciei varietas forsan junior in Museo Carlson. servatur: rostro albo, capillitio nigro alboque variegato, aurium regionibus nigris, dorso et alis cinereis, plumarum remigum primariarum apicibus nigris.







*Sterna nubilosa*





N:o LXIII.

**STERNA** *nubilosa* : *subtus alba; supra nigro, albo cinerascensque varie fusca, cauda forficata, rostro pedibusque nigris.*

*Rostrum* nigrum, tenue, elongatum.

*Frons, Sinciput, Supercilia, Genae, Regio infra-ocularis, Gula, Jugulum, Pectus, Abdomen, Tectrices Inferiores Caudae, Hypochondria, Tectrices sub-alares alba.*

*Lorum* sordide album.

*Palpebrarum anguli anteriores nigri.*

*Vertex et Occiput* albido nigroque variegata.

*Cervix* antice nigra, postice fusco albida.

*Interscapulum, Pennae scapulares, Dorsum* fuliginoso nigra ac ex plumarum apicibus canescentibus cinereo-undulata.

*Tectrices supra alares* nigrificantes.

*Remiges Primariae* supra nigrae, subtus fuscae, *Rachidibus* supra nigris, subtus albis, *Remige prima* fuliginoso brunnea margine interiore albicante, *Rachideque* supra et subtus alba.

———— *Secundariae* supra fuscae.

*Pedes* nigri.

*Cauda* supra nigrificans, subtus fusca, forficata, *Rectricibus* decem, quarum intermediae 4 sub-aequales.

Obs. Habitat in Finlandia. D:nus GRÖNDAHL.





*Phasianus cristatus*





N:o LXIV.

*PHASIANUS cristatus* : *subtus niger, supra viridescens, alis nigro ferrugineis, fronte nigra setosa, vertice alba, crista occipitis sub-plumosa purpurea, pedibus inermibus, nudis, flavicantibus.*

*Rostrum* nigrum, inferius ad basin lutescens.

*Frons* nigra, setis 4 f. 5 nigris apice sub-plumosis.

*Vertex* alba.

*Occipite Crista* purpurea complicata, antice sursum falcata pennis sub-plumosis postice duplice serie dispositis.

*Cervix, Interscapulum, Dorsum, Uropygium* fusco sericeoque viridescencia.

*Alae* nigrae *Tectricibus* 2: *darius* apice ferruginosis, *Remigibus* nigris, margine antico ferrugineis nigro punctatis.

*Pedes* flavicantes.

*Gula, Jugulum, Pectus, Abdomen, Femora, Crissum* atra.

*Cauda* nigra, abbreviata, deorsum flexa.

Obs. In Insul. Celebes habitare fertur; In Peminf. Macao semel vidit Nobilissimus MAUL (Dominus de Frugården Vestrogothiae), et favente Dom. STAAR pro Museo Carlsoniano misit.







*Tetrao tetrax, Mas, varietas.*



N:o LXV.

*TETRAO Tetrix, Mas, Varietas:*  
*corpore nigro alboque variegato, macula pectorali*  
*maxima, atro-nitenti.*

*Rostrum* nigrum.

*Capillitium, Genae, Gula* nigra, albo-maculata.

*Collum et Interscapulum* alba, nigro-maculata.

*Pectoralis Macula* maxima, nigra.

*Abdomen* album, macula una alterave nigra notatum.

*Cristum* candidum.

*Pedes* albi.

*Dorsum* nigricans, albo brunneoque punctatum.

*Alae* albidae nigro-variegatae.

*Uropygii Plumae et Tetrices Caudae* elongatiores apice  
albicantes.

*Retrices* nigrae.

OBS. Inter T. Tetrices communes, qui quotannis tempore hyemali  
e Norrlandia Holmiam solent transferri, varietas haec a Secret.  
Regio TÖRNROS detecta et pro Mus. Carlson. communicata.







*Tetrao tetrax; femina, varietas.*





N:o LXVI.

*TETRAO Tetrix, Foemina, varietas:*  
*sordide alba ac obsolete ferrugineo-undulata, ro-*  
*stro nigro, pedibus ferrugineis.*

Confer. Acta. Scient. Holm. A:o 1785. p. 231.

*Rostrum* nigrum.

*Colli, Dorsi, Pectoris plumae* singulae lineis subferru-  
gineis tribus fasciatae.

OBS. In societate plurium varietatis communis prope Hedemo-  
ra interfecta haec varietas benigne illam communicavit ex-  
perientiss. D. Dr. & Assessor BLOM qui l. c. ejusd. descriptio-  
nem uberiores publici juris fecit.





*Columba bantamensis.*





N:o LXVII.

*COLUMBA bantamensis*: cauda cuneata, orbitis denudatis carneis, collo, pectore hypochondriisque albo nigroque undulatis.

*Corpus* magnitudine Y. *Torquillae*.

*Rostrum* rectum; *Mandibula superior* versus apicem declivis, inferiore longior.

*Nares* oblongae, in medio rostri.

*Lingua* integra.

*Alarum Remiges*, *Primarii* IX. 2, 3, 4 & 5 aequales, primo longiores, reliqui sensim breviores.

—— *Secundarii* X.

*Cauda* cuneata, longitudine corporis. *Rectrices* XIV.

*Pedes* longitudine dimidia caudae, rubri.

*Color*: *Frons*, *Genae* & *Gula* Cana. *Vertex* & *Nucha* cinerea. *Collum*, *Pectus*, *Hypochondria* & *Venter* alba nigro-fasciata fasciis in singula penna tribus. *Dorsum*, *Tectrices alarum* & *Uropygium* cinerea fasciis nigris e pennis cinereis apice nigris. *Abdomen* & *Crissum* alba. *Rostrum* nigrum *marginibus mandibularum* versus apicem hyalino albis. *Rectrices* sex intermediae nigrae, reliquae octo versus apicem albae. *Alae subtus* ferrugineae: *Remiges* nigrae margine anteriore tenuissime cinereae; *Primariae* basi interiore ferrugineae.

*Habitat* in Insula Java, juxta Bantam vulgatissima, ubi in sylvis palmarum melancholicis suis cantilenis aures incolarum demulcet.

Dono data a Hist. Nat. & Med. Lect. Doct. Cl. FR. HORNSTEDT, qui ex India parvulam hanc columbam attulit & descripsit.







*Turdus minutus*



N:o LXVIII.

*TURDUS minutus* : *supra fusco - ferrugineus*, *subtus ferrugineo - cinereus*, *gula albida*, *alis ac cauda nigro - ferrugineoque notatis*, *rostri apice nigrificanti*.

*Rostrum* fuscum apice nigrificans.

*Capillitium* fuscum.

*Latera capitis* albido - fusca.

*Gula* alba.

*Jugulum*, *Pectus*, *Abdomen*, *Criussum*, cinereo - ferruginea.

*Inter scapulum*, *Dorsum*, *Uropygium* ferruginea.

*Tectrices* *Sub - Alares* ferrugineo - albae.

—— *Supra - Alares* nigro - fuscae.

*Remigum Primariarum* 2 f. 3 anteriores unicolores, nigrificantes.

—— ——— *reliquae* nigrae ac in medio transversaliter ferrugineae.

—— *Secundariarum* plures nigrae apice ferrugineae.

—— ——— *ultimae* ad integrum ferrugineae.

*Pedes* fusci.

*Rectrices superiores* 4 nigrae, *inferiores* ferrugineae.







*Turdus australis*





N:o LXIX.

*TURDUS australis*: corpore fusco-nigricanti, pectore abdomineque albis.

*Rostrum* nigrum, tereti cultratum; *mandibula superior* apice deflexa, emarginata.

*Capitulum*, *Colli dorsum*, *Interscapulum*, *Dorsum*, *Uropygium*, *Alae Caudaeque* fuliginoso-nigricantia.

*Capitis latera*, *Gula* et *Jugulum* cinereo-nigricantia.

*Tectrices Sub-Alares* fuscis albisque mixtae.

*Pectus*, *Abdomen*, *Criussum* alba plumarum basibus nigris.

*Pedes* nigri.

Obs. E Nova Zelandia.





*Ampelis luteus*





N:o LXX.

*AMPELIS luteus*: supra fusco-olivaceus, uropygio luteo caudaque superne nigra, subtus luteus macula utrinque ad angulum oris abdomineque postice albidis, crisso luteo, cauda subtus lateribusque flavicante.

*Rostrum* nigrum.

*Macula* pone angulum oris alba.

*Pileus*, *Capitis latera*, *Cervix*, *Interscapulum*, *Alae* et *Dorsum* fusco-olivacea.

*Gula*, *Jugulum*, *Pectus*, *Abdomen antice*, *Tectrices subalares*, *Tectr. caudae inferiores* et *superiores* lutea.

*Abdomen postice* albicans.

*Alae Complicatae* olivaceae, *Remigibus* fuscis.

—— *Explicatae* margine anteriore olivaceae.

*Pedes* nigricantes.

*Tectrices* 2 superiores atrae, ad exortum flavae, inde atrae et ultima apice flavicantes.

———— *reliquae* fusco-flavicantes.





*Loxia hypoxantha*





N:o LXXI.

*LOXIA hypoxantha*: flavicans, fronte superciliisque luteis, remigibus rectricibusque nigris margine flavescentibus.

*Corpus* magnitudine vix Fring. Citrinellæ.

*Rosstrum* conico-ovatum, gibbum, pallidum.

*Lingua* cartilaginea, angulata, acuta.

*Nares* in basi rostri, rotundæ.

*Oculi* orbiculares, *Iride* rufa; *Pupilla* atra.

*Alarum Remiges* Primores X. Prima longitudine sextæ,

2, 3, 4 & 5 fere æquales, longiores.

————— Secundariæ VII.

*Cauda* integra, mediocris; *Rectrices* subæquales, decem, nigræ margine tenuissime flavæ.

*Pedes* longitudine fere caudæ, pallidi.

*Color*: *Vertex*, *Nucha*, *Tempora*, *Cervix*, *Dorsum*, *Inter-  
ter-  
scapulia* & *Alæ supra* viridi-flava. *Frons*, *Supercilia*, *Gula*, *Jugulum*, *Pectus*, *Hypochondria*, *Abdomen* & *Cri-  
ssum* lutea. *Rectrices*, *Remiges* *Tectrices-  
que* nigræ margine flavæ.

*Habitat* in Summatra insula in agris oryzaceis.

*Vivam* descripsit & huc donavit Dn. Dr. HORNSTEDT.





*Loxia prasinus*, Mas.





N:o LXXII.

*LOXIA prasina*, Mas: viridi-olivacea, subtus  
cano-flavicans, uropygio rubro, pedibus flavis.

*Rostrum* conico-gibbum, æquale, nigrum; *Mandibula superior* margine laterali ventricosa; *Mandibula inferior* margine laterali ad basin inflexa.

*Lingua* integra.

*Nares* rotundæ, in basi rostri.

*Alarum Remiges Primores* IX. 1, 2 & 3 æquales, longiores; reliquæ sensim breviores.

————— *Secundariæ* VIII nigrae, margine anteriore viridi-olivaceæ, posteriore cano-flavescentes.

*Cauda* mediocris, rotundata. *Rectrices* XII, nigrae, quarum intermediae duæ pagina superiore, & octo margine exteriori rubrae.

*Pedes* longitudine fere caudæ, flavi. *Ungues* validiores ac minores quam in femina.

*Color*: viridi-olivacea sunt *Frons*, *Vertex*, *Tempora*, *Nucha*, *Cervix*, *Dorsum* & *Alæ supra*. Cana *Gula*, *Jugulum*, *Pectus*. Cano-flavicantia *Axilla*, *Hypochondria*, *Abdomen*, *Crissum* & *Femora*. *Uropygium*, *Abdominis plumula* una alterave rubra.

*Magnitudo*: vix Fring. *Spini*.

Habitat in Java insula, inter oryzam, unde communicavit & descripsit C. FR. HORNSTEDT, M. Dr.





*Loxia prasina, femina.*





N:o LXXIII.

*LOXIA prasina*, Femina: fusco-olivacea,  
subtus cano-flavicans, uropygio obsolete rubro,  
pedibus flavis.

Rostrum conico-ovatum, supra nigrum, subtus flavum; Mandibula superior margine laterali recta, inferior margine laterali inflexa.

Lingua integra.

Nares rotundae, in basi rostri.

Remiges Alarum cinerae: Primariae IX. 1, 2 & 3  
aequales, longiores, reliquae sensim breviores.

—— Secundariae VIII, margine anteriore apiceque  
albidae.

Cauda rotundata, mediocris. Rectrices XII, nigrae  
apicibus albis.

Pedes flavi; Ungues parum longiores ac subtiliores  
quam in mare.

Color: Fusco-olivacea sunt Frons, Vertex, Tempora,  
Nucha, Cervix & Dorsum. Alae supra fusco-olivaceae fasciis albido-flavicantibus. Cano-flavica-  
ntia sunt Gula, Jugulum, Pectus, Hypochondria,  
Alae subtus, Abdomen & Crissum. Uropygium ob-  
solete vixque rubrum.

Magnitudine vix Maris.

Habitat cum priori in Java. HORNSTEDT.







*Muscicapa alba.*





N:o LXXIV.

*MUSCICAPA alba: tota alba, capite  
sulphureo - flavicante.*

*Rostrum depressiusculum, album.*

*Caput, Gula, Juguli Pars laete flavicantia.*

*Pedes et Ungues albescunt.*

*Reliqua Corporis candida.*

Obs. Habitat ad Holmiam. D. BILLING.





*Muscicapa javanica*





N:o LXXV.

*MUSCICAPA javanica*: cauda longissima rotundata, corpore nigro ferrugineoque varia, subtus albo, jugulo nigro, superciliis albis.

*Corpus* magnitudine Musc. Griffolae.

*Rostrum* trigonum, utrinque vix emarginatum, nigrum.

*Vibrissae* rigidae, longitudine fere rostri, utrinque septem maxillae superioris, quinque maxillae inferioris.

*Nares* subrotundae, margine posteriori membranaceae.

*Lingua* cartilaginea, acuta, parum fissa, longitudine dimidia rostri.

*Oculi* toti atri.

*Alarum Remiges* Primarii X. Primus omnium brevissimus, 2 & 3 sensim majores, 4, 5 & 6 aequales reliqui sensim breviores.

---

Secundarii IX.

*Cauda* macroura, rotundata, rectricibus duodecim longitudine fere corporis.

*Pedes* nigri.

*Color*: Plumis nigris apice ferrugineis tecta sunt *Frons*, *Vertex*, *Tempora*, *Nucha*, *Cervix*, *Dorsum*, *Uropygium*, *Tectrices* & *Remiges*. *Jugulum* nigrum. Alba sunt *Gula*, *linea* longitudinalis a rostro ad basin capitis supra oculos extensa, *Abdomen*, *Crissum* & octo *Rectricium* apices.

Habitat in java, ubi detexit & descripsit Dr. HORNSTEDT.






















SMITHSONIAN INSTITUTION LIBRARIES



3 9088 01203 9012